

## Ta in P-EBT

Jibañ in jāān eo ej kaju deloñ ilo akkoun jen jorren eo elab im emōj an jelōte aoleben lal in (P-EBT) ej juon jibañ ñan wia mōñā ñan imōn jokwe ko ewōr ajiri im rejab maron ebōk mōñā in jikuul ko ejellok wonnen ak edik wonnen iomwin jidik ien kin an kar kilōk jikuul ko ikijen jorren eo elab emōj an jelōte aoleben lal in ilo jabdewōt ien iloan yiō in jikuul eo 2020-2021.

Maron tōbrak ñan P-EBT\* enaj ekkar ilo aer bōk kwōnaer ilo Burokraam in Mōñā in Raelab an Jikuul an Aoleben Aelon eo, jekjekin mōñā in jikuul ejellok wonnen ak edik wonnen, im raan ko rijikuul eo ear katak jen jikin ko inabojin jikuul ak ilo kombutor (jab diklok jen 5 raan kaju).

Kim ej rōjañ am kebaak jikuul eo ilo jukjukinbed eo am elañe kwōkōnaan kateruru ñan mōñā ko ejellok wonnen ak edik wonnen. [Utahns Against Hunger](#) ewor an kein jermal nan kebaak jikuul eo am.

## Ewi wāween aō jelā ñe imaron tōbrak?

Ñan ebōk P-EBT, rijikuul ro rej aikuj mōj aer kadeloñ ettaer ñan mōñā in jikuul ejellok wonnen ak edik wonnen ibben jikuul eo aer.

Jabdewōt armij eo ear ebōk SNAP jen Jebtomba 2020 ñan allon eo kiō im emaron tōbrak ñan P-EBT, enaj kōnaan lale joñan eo ilo kaat in EBT eo an. Jibañ in P-EBT renaj koba ñan kaat in EBT an SNAP eo aer.

Ñan imōn jokwe ko rejab kōjermal SNAP, elañe kwōmaron tōbrak, renaj jilkinwaj am juon kaat kāāl in P-EBT (einwōt juon kaat in debit), jekdoñ ñe kwar loe juon ilo ien eo rar lewaj ilo 2020. Bar lale beij in ñan melele ko kin elañe im ñaat enaj bar wōr jibañ in P-EBT.

[Jikuul ko rar kobaiki ilo ien ajej eo kein kajuon](#) | [Español](#)

## Ewi wāween aō kōjermal kaat eo?

Ilo ien eo emōj am tōbrak, kwōnaj loe juon kaat in P-EBT ilo mael. Kwōnaj aikujin kajoe kaat eo am mokta jen am maron kōjerbale. Kwōmaron kōjerbale ñan wia mōñā.

Loor bñntōn ko ilal ilo ien am kōjermal kaat eo am.

- Kajoe kaat eo am mokta jen am kaikwijkwij ilo am kelet PIN eo am. Kwōnaj elo kōmelele kin wāween am kōmmāne PIN eo am ñan kaat eo am.
- Download app in talebon eo connectebt mobile ak bōk kaminene kin website eo ilo [connectebt.com](https://connectebt.com).
- Mokta jen am kaikwijkwij, lale joñan eo ilo akkoun eo am aoleb ien.
- Ilo imōn wia eo, kelet EBT ilo majin eo kin wāween am kolla (ak kein riit kaat) innem kadeloñ kaat eo am.
- Likūt PIN eo am kin ki ko. Enaj walok \*\*\*\* ilo majin eo.
- Jibed EMMON ak LIKŪT ilo ki.

- Cashier eo enaj likūt joñan eo, innem enaj walok ilo majin eo ej kwalok wāween am kolla (ak kein riit kaat eo).
- Ñe ejimwe joñan eo, jibed ki eo ej ba AET.
- Cashier eo enaj lewaj rijit eo am. Jouj im loloorjak melele eo ilo rijit eo rejimwe.
- Kejbarok rijit in bwe kwōn jelā joñan eo ilo kaat eo am ilo ien eo juon kwōnaj etal im kaikwijkwij.

Kaat in P-EBT ko remaron jermal einwōt kaat in debit ko ilo elōñ imōn kaikwijkwij mōñā Kwōmaron loe juon laajrakin etan imōn mōñā ko remelim ilo jikin eo am ilo am kadeloñ zip code eo am ilo [kein kabōk imōn wia](#).

Ijin lal ej juon laajrak etan mōñā ko kwōmaron ak kwōjab maron wia.

**KWŌMARON** wia mōñā rejañin kebooji einwōt:

- Bilawe im cereal ko
- Mōñā in leen wōjke ko
- Jalele, ek, im bao
- Mweiuk ko rej komman jen milik
- Wut im ine ko nan ekat mōñā

**KWŌJAB** maron wia mōñā ko einwōt:

- Mōñā ko emōj kebooji, einwōt mōñā māānān im mōñā ko kwōmaron mōñā ilon imōn wia eo
- Bia, wain, jika, ak tobacco
- Men ko rejab mōñā, einwōt, kijen mennin mour, job, mweiuk ko kōmman jen beba, im kein karreo
- Vitamin im uno ko
- Mweiuk in karreo ko, einwōt jaambo, kein kamerawanwan, kein buraj in ni, im kein kateen ko

## Melele ko Rekut Kajitōki

### Ewi wāween aō jelā elañe ajiri eo neju emaron tōbrak ñan jibañ ko an P-EBT?

Jabdewōt ajiri eo ear maron tōbrak ñan mōñā ko ejellok wonneir ak edik wonneir (mōñā in jibbon im/ak raelab) ak rej bed ilo juon jikuul eo emōj kalikar elab ajiri ro ie remaron tōbrak ñan mōñā kein remaron naj bōke kolla in P-EBT elañe jikuul eo aer ear kilok jab diklok jen 5 raan kaju ilo yiō in jikuul eo an 2020-2021.

### Ej ke mennin aikuj juon ablikajon ñan burokraam in?

Juon ablikajon ñan P-EBT ejab mennin aikuj ilo jibañ in P-EBT in kiō. Bōtab, kwōj aikuj kar kadeloñ etam ñan mōñā in raelab an ikuul ejellok wonnen ak edik wonnen. Kebaak jikuul eo ilo jukjukinbed eo am elañe kwōkōnaan kateruru ñan mōñā ko ejellok wonneir ak edik wonneir.

[Utahns Against Hunger](#) ewōr an kein jermal ñan kebaak jikuul eo am.

### **Ewi wāween an ajiri eo neju maron bōke jibañ kein?**

Jibañ in P-EBT ko renaj lelok ñan juon kaat in EBT, einwöt kaat in debit. Renaj jilkinwaj kaat in ilo mael kin kōmelele kin wāween am kajoe im kōjerbale kaat in EBT eo. Ñe ewōr kadede am kaat in EBT an SNAP im kwōmaron tōbrak ñan jibañ ko an P-EBT, jāān eo enaj kaju deloñ ilo kaat eo am.

### **Ñaat eo imaron kōjermal jibañ kein?**

Jibañ in P-EBT ko renaj jino lelok ilo wiik eo āliktata ilo Maaj 2021. Emōj katmāne ke kim naj lelok kolla ko jet ilo Mae, Juun, im Julae 2021.

### **Remaron ke jino jen raan ko moktalok?**

Maron tōbrak ñan P-EBT\* ej ekkar ñan aer bōk kwōnaer ilo Burokraam in Mōñā in Raelab an Jikuul an Aoleben Aelon eo, jekjekin mōñā in jikuul ejellok wonnen ak edik wonnen, im raan ko rijikuul eo ear katak jen jikin eo ettolok ak ilo kombutor. Jibañ kein rej ñan yiō in jikuul 2020-2021. Kim ej rōjañ am kebaak jikuul eo ilo jukjukinbed eo am elañe kwōkōnaan kateruru ñan mōñā ko ejellok wonneir ak edik wonneir im ñan kenono kin ien eo kwōmaron tōbrak. [Utahns Against Hunger](#) ewōr an kein jermal ñan kebaak jikuul eo am.

### **Ia eo imaron kōjermal kaat in P-EBT eo?**

Kwōmaron kōjermal kaat in P-EBT eo ilo jabdewōt imōn kakwijkwij mōñā ko rej ebōk kaat in SNAP EBT. Ewōr lablok jen 1,400 imōn kaikwijkwij mōñā ko remelim ilo Utah rej ebōk im kōmamōd mennin wia ko kin SNAP kin kaat in EBT. Imōn kaikwijkwij kein rej jen supermarket ko relab ñan imōn wia jidik im makūt ko an mōñā jen jikin atake. Kwōmaron loe juon laajrakin etan imōn wia ko remelim ilo jikin eo am ilo am kadeloñ zip code eo am ñan jikin [kabōk imōn wia](#).

### **Ajiri eo neju emaron ke kōjermal burokraam in mōñā in jikuul eo an ien jemar ilo ien an ebōk P-EBT?**

Aet, an bōk kwōnaan ilo burokraam in P-EBT ejab jelōte an ajiri eo/ro burokraam in mōñā an jikuul ilo ien jemar ak jabdewōt wāween an maron tōbrak ñan mōñā ejellok wonnen ak edik wonnen ilo jeklaj.

### **P-EBT enaj ke bōnōbōn ñan joñan jibañ in kien rilikin rej bōke?**

An jermal jibañ kein ejab jelōte jekjekin beba ko rej kōmelim am im an ajiri eo/ro nejum maron bed aelon in. Teej eo ej lale joñan jibañ jen kien juon rilikin ear bōke ebañ koba jibañ ko an P-EBT.

### **Ewi toon an jibañ kein naj maron jermal?**

Kwōj aikuj kōjermal jibañ kein iloan 365 raan.

### **Wōn eo imaron kall ae elañe ijab maron loe uwaak eo aō ilo jikin kajitōk kein rekut?**

(833) 940-2990

# Maron tōbrak ñan EBT eo an Utah jen jorren eo elab im emōj an jelōte aoleben lal in (P-EBT)



## ÑAN AJIRI RO REJ DETTAN RIJIKUUL

Bija in laajrak in ej kwalok makūtkūt ko emōj kar kōmmene ñan jibañ baamle ko ilo Utah lale elañe rijikuul ro aer remaron tōbrak ñan P-EBT ñan yiō in jikuul eo 2020-2021. Beba in ejab kamool ke jibañ ko rej iwōj bōtab ej juon kein jerbal ñan lewaj katak im melele.

